

স্মারক নং-২৭.২৪.০০০০.০১৫.৯৯.০১৯.২০-১৩৪৮

তারিখঃ ৩০ শ্রাবণ ১৪২৭  
15 August 2020

সদয় দৃষ্টি আকর্ষণ : সম্পাদক  
সকল জাতীয় দৈনিক

ঢাকা ইলেকট্রিক সাপ্লাই কোম্পানি (ডেসকো) লিমিটেড এর নিম্নোক্ত প্রেস বিজ্ঞপ্তিটি আপনার স্বনামধন্য পত্রিকায় প্রচারের প্রয়োজনীয় ব্যবস্থা গ্রহণের জন্য অনুরোধ করা যাচ্ছে।

ধন্যবাদান্তে,

প্রকৌঃ গাজী শাহরিয়ার পারভেজ  
উপ-মহাব্যবস্থাপক (প্রশাসন), অতিঃ দায়িত্ব

## ডেসকো'র উদ্যোগে জাতীয় শোক দিবস ২০২০ পালিত

স্বাধীনতার মহান স্থপতি ও জাতির পিতা বঙ্গবন্ধু শেখ মুজিবুর রহমান এর ৪৫তম শাহাদত বার্ষিকীতে 'জাতীয় শোক দিবস' উপলক্ষে ১৫ ই আগস্ট ২০২০ তারিখে ঢাকা ইলেকট্রিক সাপ্লাই কোম্পানি (ডেসকো) লিমিটেড এর প্রশিক্ষণ বিভাগের মিলনায়তনে ভারুয়াল প্লাটফর্মে আলোচনা সভা ও দোয়া মাহফিলের আয়োজন করা হয়। অনুষ্ঠানে সভাপতিত্ব করেন ডেসকো'র ব্যবস্থাপনা পরিচালক মোঃ কাওসার আমীর আলী। ডেসকো বোর্ডের চেয়ারম্যান এবং বিদ্যুৎ বিভাগের অতিরিক্ত সচিব মোঃ মাকছুদা খাতুন প্রধান অতিথি হিসেবে ভারুয়াল মাধ্যমে উক্ত আলোচনা সভা ও দোয়া মাহফিলে অংশগ্রহণ করেন। ডেসকো পরিচালনা পর্ষদের সম্মানিত সদস্যগণও ভারুয়াল মাধ্যমে উক্ত আলোচনা সভা ও দোয়া মাহফিলে অংশগ্রহণ করেন। ডেসকো'র ১৬টি বিক্রয় ও বিতরণ বিভাগের কর্মকর্তা-কর্মচারীগণ ভারুয়াল মাধ্যমে শোক দিবসের আলোচনা সভা ও দোয়া মাহফিলে যুক্ত ছিলেন।

অনুষ্ঠানে জাতির পিতার জীবন ও কর্মকাণ্ডের ওপর স্থিরচিত্র ও প্রামাণ্যচিত্র প্রদর্শন করা হয়। এছাড়া 'কারাগারের রোজনামা' হতে পড়ে শোনানো হয়। আলোচনা সভায় ডেসকো'র নির্বাহী পরিচালক (অর্থ ও হিসাব) ও অতিরিক্ত সচিব বিদ্যুৎ বিভাগ মোঃ সাইফুল ইসলাম, ব্যবস্থাপনা পরিচালক মহোদয়, ডেসকো বোর্ডের পরিচালকবৃন্দ এবং ডেসকো বোর্ডের চেয়ারম্যান মহোদয় জাতীয় শোক দিবসের প্রেক্ষাপট তুলে ধরেন এবং জাতির পিতার বর্ণাঢ্য জীবন ও কর্মকাণ্ডের ওপর আলোচনা করেন। আলোচনা শেষে জাতির পিতা ও তাঁর পরিবারের শহীদ সদস্যদের আত্মার মাগফেরাত ও শান্তি কামনা এবং দেশের শান্তি ও সমৃদ্ধি কামনা করে বিশেষ মোনাজাত করা হয়। অনুষ্ঠানটি সঞ্চালনার দায়িত্বে ছিলেন ডেসকো'র নির্বাহী পরিচালক (এইচআর) ও বিদ্যুৎ বিভাগের যুগ্ম সচিব মোঃ আবদুল্লাহ আল মাসুদ চৌধুরী।

এছাড়াও জাতীয় শোক দিবস উপলক্ষে ১৫ আগস্ট ২০২০ তারিখে ডেসকো'র পক্ষ থেকে নিকুঞ্জস্থ আল মাদরাসাতুল নূরিয়া ও এতিমখানায় পবিত্র কোরআন খতম, দোয়া মাহফিল ও মাদরাসার এতিম ছাত্রদের জন্য উন্নতমানের খাবারের আয়োজন করা হয়।

সংযুক্তি : দোয়া মাহফিল ও শ্রদ্ধাঞ্জলি জ্ঞাপনের ছবি।